

Na osnovu člana 56. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj: 35/05), Odluke Vlade Federacije Bosne i Hercegovine o usvajanju Programa utroška sredstava sa kriterijima raspodjele sredstava „Tekući transferi pojedincima – Transfer za raseljena lica i povratnike“ utvrđenih Budžetom Federacije Bosne i Hercegovine za 2026. godinu Federalnom ministarstvu raseljenih osoba i izbjeglica, V. broj: 294/2026 od 06.03.2026. godine („Službene novine Federacije BiH“, broj: 19/26) i Plana povratka, obnove, gradnje i razvoja održivog povratka za 2026. godinu, federalni ministar raseljenih osoba i izbjeglica, raspisuje

**Javni poziv
za dodjelu novčanih sredstava učenicima osnovnih škola povratnicima na ime jednokratne
novčane pomoći za početak školske godine za 2026/2027 godinu**

I

Objavljuje se Javni poziv za dodjelu novčanih sredstava učenicima osnovnih škola povratnicima, s ciljem jednokratne novčane pomoći za početak školske godine za **2026/2027** godinu.

II

Pravo učešća na ovom Javnom pozivu imaju učenici koji su članovi povratničkih domaćinstava na području bh. entiteta Republika Srpska (**manjinski povratak**), odnosno na područje povratničkih općina i gradova u Federaciji Bosne i Hercegovine i to: Ravno, Drvar, Glamoč, Teočak, Pale-Prača, Sapna, Bosansko Grahovo, Dobretići, Foča-Ustikolina, Grad Stolac, Prozor - Rama, Odžak, Jajce, Gornji Vakuf – Uskoplje, Kiseljak, Bosanski Petrovac, Čapljina, Vareš, Fojnica, Vitez, Busovača, Kalesija, Čelić i Žepče.

III

Pravo na dodjelu novčanih sredstava imaju učenici osnovnih škola od **I do VIII** koji ispunjavaju sljedeće uslove:

1. da su članovi povratničkih domaćinstava, odnosno da na teritoriji bh. entiteta Republika Srpska pripadaju kategoriji **manjinskih povratnika** u skladu sa Aneksom VII Općeg okvirnog sporazuma za mir u Bosni i Hercegovini – Dejtonski mirovni sporazum (član 1. tačka 3.d.);
2. da imaju prijavljeno prebivalište u opštinama/općinama povratka (uključujući roditelje) prema članu II ovog Javnog poziva;
3. da pohađaju redovno osnovnu školu – prvi do osmi razred.

IV

Iznos novčanih sredstava, po jednom učeniku osnovne škole, iznositi će do 200,00 KM za školsku godinu. Ukupan iznos finansijskih sredstava za realizaciju ovog Javnog poziva iznosi će do 1.500.000,00 KM. Isplata novčanih sredstava će se izvršiti na transakcijski račun roditelja.

V

Izbor korisnika po ovom Javnom pozivu će izvršiti posebna komisija koju formira federalni ministar. U slučaju većeg broja prijava sa područja Federacije Bosne i Hercegovine, koje prelaze iznos planiranih sredstava za realizaciju Javnog poziva, Komisija će kao prioritete izabrati korisnike primjenjujući kriterij manjinskog povratka u skladu sa članom III ovog Javnog poziva, te objektivnog obima ostvarenih kretanja stanovništva iz općina za vrijeme ratnog sukoba odnosno ostvarenog povratka raseljenih lica u te općine.

VI

Prijava na Javni poziv treba obavezno da sadrži sljedeće dokumente:

- a) Čitko popunjenu i potpisanu prijavu na Javni poziv, na obrascu koji je dostupan na internet stranici Ministarstva www.fmroi.gov.ba ili se može preuzeti lično u prostorijama Ministarstva na adresi Hamdije Čemerlića br. 2, Sarajevo;
- b) Za učenika:
 1. Izvod iz matične knjige rođenih (rodni list) - (original ili ovjerena kopija ne starija od 30 dana)
 2. Uvjerenje/potvrda osnovne škole o statusu redovnog učenika – (original ne stariji od 30 dana)
- c) Za roditelja učenika:
 1. Uvjerenje o prebivalištu (CIPS) jednog od roditelja - original ne stariji od 30 dana;
 2. Izjava o zajedničkom domaćinstvu (kućna lista), ovjerena od strane nadležnog organa, ne starija od 6 mjeseci - (original ili ovjerena kopija ne starija od 30 dana);
 3. Potvrda o povratku ne starija od 6 mjeseci – (original ili ovjerena kopija ne starija od 30 dana);
 4. Ugovor sa bankom o otvaranju transakcijskog/tekućeg računa ili potvrda banke o otvorenom računu (**obavezno provjeriti sa bankom da li je račun aktivan**).

Pored dostavljene pismene prijave i tražene dokumentacije OBAVEZNI ste popuniti elektronski obrazac putem [linka](#).

VII

Podnošenjem prijave na ovaj javni poziv, podnosilac daje saglasnost Federalnom ministarstvu raseljenih osoba i izbjeglica za obradu svojih ličnih podataka, u skladu sa Zakonom o zaštiti ličnih podataka. Lični podaci se obrađuju isključivo radi provjere ispunjenosti uslova javnog poziva, izrade ugovora, realizacije dodjele pomoći, vođenja evidencije korisnika i izvršenja plaćanja. Podaci se mogu dostaviti trećim stranama samo u okviru zakonskih obaveza. Radi transparentnosti postupka i ostvarivanja prava na žalbu/prigovor po javnom pozivu, minimalno neophodni lični podaci korisnika bit će objavljeni na službenoj internet stranici Ministarstva. Podnosilac ima pravo da zatraži pristup, ispravku, brisanje ili ograničenje obrade svojih podataka, u skladu sa zakonom.

VIII

Prijave sa svim traženim dokumentima dostaviti lično ili poštom preporučenom poštom, sa naznakom **“Prijava na Javni poziv za dodjelu novčanih sredstava učenicima osnovnih škola povratnicima na ime jednokratne novčane pomoći za početak školske godine za 2026/2027. godinu”**na adresu:

**Federalno ministarstvo raseljenih osoba i izbjeglica
Ul. Hamdije Čemerlića br. 2, 71000 Sarajevo**

(Na poleđini koverta navesti ime i prezime podnosioca i tačnu adresu)

Rok za prijave na Javni poziv je 18. maj 2026. godine.

Nepotpune i neblagovremene prijave neće se uzimati u razmatranje.
Federalno ministarstvo nema obavezu vraćati predatu dokumentaciju aplikantima.

Broj: 06-32-6-900-1/26
Sarajevo, 27.04.2026. godine

MINISTAR

Nerin Dizdar